

জলছবি

জলছবি ঐকে যায় মনের কত না কথা
খাতটা হয়ে যায় পুরোনো ঠিকই,
তবু চুরি করে গোপনতা।
শুধুই কি ছবি সে!
নয় কি মনের পূর্ণ অভিলাষা ?
সুখ দুঃখ দেখি হঠাৎই একক সূত্রে বাঁধা।
হাসি কান্নার রোলে কোথাও রহস্যও আছে যেন!
তবুও জলছবিটি পাবে না আখ্যা বন্ধু হবার কেন?
জলছবি কি একটা নাকি!
লক্ষপ্রদীপ ওগুলো;
মনের মণিকোঠায় করে যায় আলো
টুকরো টুকরো স্মৃতিগুলো।
নানান রঙের মেলা আছে,
নানান অনুভূতির খেলা
মনের আয়নায় লিখে যায় সে
মনের গোপন কথা।
জলছবিতেই লুকিয়ে আছে চিত্রকরদের কথা
রঙ ছড়িয়ে যারা ফুটিয়ে তুলেছিল
তাদের জীবনগাঁথা।
নতুন জগতের দ্বার খুলে যায়
যেন আঁকিবুকের মাঝে,
আমাদের কাছে জলছবি যা
বায়োগ্রাফি তাদের কাছে।।

~ রূপাঞ্জলি সাহা